

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), na Prijedlog Ministarstva za pravosuđe i upravu, Vlada Zeničko-dobojskog kantona, na 61.sjednici održanoj dana 30.06.2016. godine, d o n o s i

ODLUKU

o prihvatanju sudjelovanja u dogovoru i davanju saglasnosti na potpisivanje Kolektivnog ugovora o izmjenama Kolektivnog ugovora za službenike organa uprave i sudske vlasti u Federaciji Bosne i Hercegovine

Član 1.

(Predmet)

Vlada Zeničko-dobojskog kantona prihvata sudjelovati na sastanku 01.07.2016. godine, sa predstavnicima: Federalnog Ministarstva pravde, Samostalnim sindikatom državnih službenika i namještenika u Federaciji Bosne i Hercegovine, Vlade Sarajevskog kantona, Vlade Unsko-sanskog kantona, Vlade Srednjobosanskog kantona i Vlade Hercegovačko-neretvanskog kantona, radi postizanja sporazuma o produženju važenja Kolektivnog ugovora o izmjenama Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije Bosne i Hercegovine“, broj: 97/13), a sa rokom primjene izmjena Kolektivnog ugovora do momenta zaključenja novog usklađenog Kolektivnog ugovora.

Član 2.

(Saglasnost)

Daje se saglasnost ministru Ministarstva za pravosuđe i upravu Zeničko-dobojskog kantona, Mirnesu Bašiću, da u ime Vlade Zeničko-dobojskog kantona dogovara i potpiše dogovoreni sporazum o produženju važenja Kolektivnog ugovora o izmjenama Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije Bosne i Hercegovine“, broj: 97/13), sa rokom važenja izmjena Kolektivnog ugovora do momenta zaključenja novog usklađenog Kolektivnog ugovora.

Član 3.

(Stupanje na snagu)

Ova Odluka stupa na snagu danom donošenja a objavljit će se u „Službenim novinama Zeničko-dobojskog kantona“

Broj: 02-34-12365 /16.

Datum, 30.06.2016. godine

Z e n i c a

DOSTAVLJENO:

1x Ministarstvo za pravosuđe i upravu,

1x Vlada Federacije Bosne i Hercegovine, putem ministarstva,

1x „Službene novine Zeničko-dobojskog kantona“,

1x a/a.

PREMIJER

Miralem Galijašević